




ԱՐԳԱՄ ԱՅՎԱԶՅԱՆ

ՅՂՆԱՅԻ ԾԱՐՏԱՐԱՊԵՏԱԿԱՆ ՀՈՒՇԱՐՁԱՆՆԵՐԸ

Գողթնի գեղեցկատես ձորերը հնուց ի վեր անվանակոչվել են ձորերի մեջ փուլած գլխավոր գյուղերի ու ավանների անուններով: Այսպես, օրինակ, նրա ձորերի մի մասը միջնադարում հայտնի է եղել որպես Բստաձոր կամ Գիլան ձոր, Ագուլիսի ձոր, Տրունյաց ձոր, Վանանդաձոր, Յղնայի ձոր և այլն: Այս վերջին ձորում գտնվող վաղեմի ավանը՝ Յղնան, Գողթն գավառի նշանավոր բնակատեղիներից մեկն է, որը այժմյան Չանանաք գյուղն է: Յղնան փրոված է լեռներով երիզվող ձորի մեջ: Յղնային մասնավոր հմայք է հաղորդում նաև գյուղի միջով հոսող կարկաշուն գետակը, նրա հնարմատ ընկուզենիների և այլ ծառերի այգիները, եկեղեցիների ու վաղեմի մատուռների, ջրաղացների ու հնձանների, մի քանի մետաքսի, կաշվի գործատների, կամուրջների ու բերդապարիսպների և այլ նյութական մշակույթի հուշարձանների կանգուն ու ավերակ հետքերը: Վերջիններս անհերքելիորեն խոսում են դեռևս ոչ այնքան հեռու անցյալի բուռն կյանքի մասին: Ստույգ է Մեսրոպ Թաղիադյանի այն կարծիքը, որը 19-րդ դարի սկզբներին այցելելով Յղնա, նրա մասին գրել է. «...լաւէտ աւերակ իսն մեծի քաղաքի, քան թէ

գիւղ աննշան որպէս զարդիս տեսանի»¹: Եվ իրոք, այժմյան գյուղի շրջակայքի մի շարք հնագիտական տվյալները ապացուցում են, որ Յղնան հնուց ի վեր և միջնադարում, 12—18-րդ դարերում, նշանավոր բնակատեղի և Գողթնի աչքի ընկնող կենտրոններից մեկն էր, ուր անընդմեջ բնակվել է ավելի քան 800—900 տուն հայ բնակչություն:

Գողթնի մյուս ավանների ու գյուղերի հայկական բնակչության մասն Յղնայի ազգաբնակչությունը ևս մի շարք անգամներ ասպատակումների ու թալանի, անասելի տանջանքների ենթարկվելով տարբեր դարերում տեղահան է արվել իր հայրենի ավանից, ցրվել տարբեր տեղեր: Օրինակ, 1349 թ. Յղնայում գրչագրված մի Ավետարանի հիշատակարանում կսկիծով է նկարագրված Յղնայում տեղի ունեցած դեպքերը, Յղնայի Դանիել տաճարների տանջանքները. «...ազգն Իմայելի, և բազում նախատանաք և արհամարհանաք տանջեն և նեղեն զազգս քրիստոնէից, մինչեւ... զոմանց տունս բախտանաք և

¹ Մեսրոպ Թաղիադյան, Ծանապարհորդություն ի Հայս, Կալկաթա, 1847, 1-ին մաս, էջ 258:

հերձաք և զորք բանիք աներեւել ջանան. զոր և սմա իսկ՝ Դանիել տանտիրոջս բազում անգամ արարին...»²: Վերջին տառապանքներում ցղնեցիների մի մասը տեղափոխվել է Երևան և նրա շրջակայք:

Յղնացի հայտնի է նաև իր նշանավոր դեմքերով, ինչպիսիք են Կոմիտասը, Էդգար Շահինը, Ռուբեն Մամուլյանը, Հանրի Տրուպյեն, Մայր-Աղեկը: Հայտնի են նաև ցղնեցի Կարապետ եպիսկոպոսը, Տեր-Մկրտչյանը՝ «Արարատ» ամսագրի խմբագիրը, մանկավարժ Հայկ Լուսինյանը, «Մուրճ» ամսագրի խմբագիր Առն Սարգսյանը, լեզվաբան Ս. Սարգսյանը և այլք³: Մինչև սյուժեի էլ Յղնացի վաղեմի բարձրադիր թագաձառներից մեկում, Տաթևի կոչվող թաղում, պահպանվում է անմահ Կոմիտաս վարդապետի պապերի՝ Սողոմոնյանց ապարանքի ավերակները, որից քիչ վերև, լեռնալանջին, գտնվում է հայկական ավանդությունների շարքում հիշատակվող հարսու փեսայի քարերը⁴:

Յղնաց, որը հիշատակվում է 14-րդ դարից, ձեռագրական և վիմագրական աղբյուրներում անվանակոչվել է նաև Ցիւնա, Ծղնա, Ցաղոունա: Ըստ Յղնացի ա. Աստվածածին վանքի տաճարի 17-րդ դարի վիմագրության, Յղնաց տեղացիների՝ զոկների, բարբառով կոչվել է Ցուղնա: Հ. Ղ. Ալիշանի ստուգաբանությամբ, «բնիկ հայկական անուն գեղջս է Ցղնա, որ հարկ է թէ մեծ և նշանավոր էր ի հնումն... Ցղնացւոց յատուկ է բարբառն Չոկաց: Ի դարոց հետէ յայտնեալ են Ցղնացիք իբրեւ սիրողք վաճառականութեան, վասն որոյ և բազմաշրջիկը...»⁵: Մ. Թադիսյանը մխալմամբ Ցղնա ավանը նույնացնելով Սյունյաց Ծրդուկի հետ՝ գրել է. «Սա թուի ինձ գոլ Մղկանց առան ի համանուն գաւառի, որ նստէր երբեմն նահապետ Սիւնեաց»⁶: Ինչպես վաղուց արդեն ապացուցված է, Սյունյաց Ծրդուկ գավառի կենտրոնը հանդիսացած ավանը գտնվում է ոչ թէ Գողթնում, այլ այժմյան Սիսիանի շրջանում⁷: Ըստ տեղացիների բացատրության Ցղնա անվանումը նշանակում է «ցեղն Անույ»:

² Ժ. դարի հայերեւ ձեռագրերի հիշատակարաններ, կազմեց՝ Լ. Խաչիկյան, Եր., 1950, էջ 379:

³ Հ. Քրիշչյան, Ամսար կանթեղ, Եր., 1969, էջ 12—13:

⁴ Արամ Ղանալանյան, Ավանդապատում, Եր., 1969, էջ 53:

⁵ Հ. Ղ. Ալիշան, Սիսական, Վենետիկ, 1893, էջ 342:

⁶ Մ. Թադիսյան, նշվ. աշխ., էջ 258:

⁷ Թ. Հակոբյան, Հայաստանի պատմական աշխարհագրություն, Եր., 1968, էջ 205:

Պատմական և ձեռագրական աղբյուրների վկայությամբ Ցղնաց Գողթնի կազմում հնուց հոչակված է եղել նաև իր ճարտարապետական հուշարձաններով, որոնց մասին սկզբնաղբյուրներ հանդիսացող տեղեկությունների ենթ հանդիպում նախ և առաջ այդտեղ գրչագրված ձեռագրերում, որոնցից մոտ 10-ը հայտնի է բանասիրության մեջ և երկուսը պահպանվում է Երևանի Մատենադարանում: Ցղնացի գրչատներից բանասիրության մեջ հայտնի ամենահին ձեռագիրը՝ Ավետարանը, գրչագրվել է «ի յայսմ ամի թուաքերութեանս Հայոց 292 (1349), ի դառնալի և ի վերջ տացեալ ժամանակս...», Ցղնացի Դանիել տանտուների օրոք: Վերջինս այդ Ավետարանը ստանալով, «...եւ զսա անջինջ յիշատակ ի գեղեցիկ և յաստուածարձակ տաճարս Ցղնոյ՝ մեծի ալն սուրբ Աստուածածինն, որ հանապազ մանկութ սորա հրճուին...»⁸: Այս ձեռագրի տվյալներից հետո Ցղնացի և նրա հուշարձանների մասին տեղեկությունների հանդիպում ենք ավելի քան մեկ դար հետո՝ 1467 թ. Ցղնացում Ումիդ սարկավագի մի Ավետարանի նորոգման առիթով: Վերջինս 1940-ական թվականներին գտնվել է Իրանի Չարմահալ գավառի Վերին Քոնարք գյուղից: Ըստ այդ Ավետարանի հիշատակարանի ալն նորոգվել է «...ի գաւառս Գոլթեան, ընդ հովանեաւ սուրբ անագ սուրբ Գիորքայ գաւառորիս և սուրբ Նշանիս և աղ սրբոցն ի սմա, ի փծուն և նորաստումն Ումիդ սարկավագիս, ի վաշեղումն անձին մերում և յիշատակ ննջեցելոցն մերոց՝ Ցղնու աստուածայէր քահանայիցս, և հոգիաւեր տանտուրէցս, և հողագործ ժողովրդեանս՝ երիտասարդաց և կուսանաց... Նորոգեցաւ ի թուին 202 (1467)...»⁹: Այնուհետև ռաբձյալ մեկ դարի հասնող ժամանակով Ցղնացի մասին տեղեկությունները քացակայում են և միայն մի ձեռագրի՝ Երուսաղեմում 2460 համարի տակ պահպանվող «Ժողովածոյ ծիսական գրոց»-ի գրիչը «ՌԲ (1553) թվին, մարտի ամսոյ ԻԸ րն, Ցղնու եկեղեցին չափեցալ...»¹⁰: Հետո՝ 1593 թ.

⁸ Ժ. դարի հայերեւ ձեռագրերի հիշատակարաններ, կազմեց՝ Լ. Խաչիկյան, Եր., 1950, էջ 379:

⁹ «Էջմիածին», 1951, ապրիլ-մայիս, էջ 85: Ժ. դարի հայերեւ ձեռագրերի հիշատակարաններ, կազմեց՝ Լ. Խաչիկյան, 2-րդ մաս, Եր., 1958, էջ 256:

¹⁰ «Մայր ցուցակ ձեռագրաց սրբոց Յակոբեանց», հատ. 8-րդ, կազմեց՝ Նորայր եպիսկոպոս, Երուսաղեմ, 1977, էջ 122: Հրատարակչի մոտ թվականը ՂԲ է, որը, ըստ մեր կարծիքի, տպագրական վրիպակ է: Ավելի հավանական է, որ Ղ-ն Ռ է, կամ էլ թվականը՝ ՌՂԲ:


առաջ գրչագրված մի Ավետարանի հիշատակարանի վկայությամբ, այն գրչագրվել է «...ի Գողթան գաւառիս, ի գիւղս որ կոչի անուամբ Յաղունա ընդ հովանեաւս... (եղծված է) գծող սորա Ստեփանոս արեղայի. եւ յիշեայ ի տէր աղաչեմ ով մանկունք եկեղեցոյ»¹¹:

Յղնայում Մարութա քահանայի և Մարտիրոս երիցու գրչագրած երկու ձեռագրերը պահպանվում են Երևանի Մատենադարանում: Այդ ձեռագրերից մեկը՝ Մաշտոցը, Մարութա գրիչը գրչագրել է 1634 թ. «...ի գեղս Յղնայ», որը «վերջուտին նորոգել եղև ի ձեռ կազմարար Դավիթ դարի, և ընչիւք Յղնցի ուստայ Սուքիազին և կենակցոյն իւրոյ. Զանազանին ի թվին ՌՄԽ և Ե (1696)ին»¹²: Երկրորդ ձեռագիրը՝ Մեկնութիւնը Սաղմոսաց»-ը, Մարութա գրիչը գծել և գրչագրել է Մարտիրոս իրիցու հետ միասին. «...ի թվականին Հայոց մեծաց. ՌՁԳ (1634)» գրեալ եղև կտակս աստվածային ի յերկրիս Գողթան գաւառի ի գեղս Յղնայ... ի դուռն սուրբ յ(Աստուածածն)ի, ձեռամբ մեղապարտ և թարմատար գրչի Մարութայ...»¹³:

Այսպիսով, ձեռագրերի հաղորդած տրվյալներով պարզվում է, որ Յղնան ունեցել է ս. Աստվածածին վանքը, ս. Գրիգոր և ս. Նշան եկեղեցիները, որոնցից աճմ կանգուն է ս. Աստվածածնի եկեղեցին և մեկ եկեղեցի էլ ս. Սարգիս անունով: Յղնայի ճարտարապետական հուշարձանների մեջ, դեռևս 1349 թ. գրչագրված ձեռագրի գրչի որակավորմամբ, գեղեցիկ և մեծ տաճար է հանդիսանում նրա ս. Աստվածածին տաճարը: Վերջինս կառուցված է Յղնայի հյուսիս-արևելյան թաղամասի հարթ վայրում, որն իր ճարտարապետությամբ միջնադարյան ուշագրավ և կարևոր հուշարձան է (նկ. 1ա, 1բ):

Ուսումնասիրությունը ցույց է տալիս, որ ձեռագրական աղբյուրներում 14-րդ դարի 30-ական թվականներից հիշատակվող ս. Աստվածածնի նախկին տաճարը կառուցված է եղել 12—13-րդ դարերում և մի քանի անգամ վերանորոգվել, որի հետքերը սարգորոշ նկատվում են շինության շարվածքներում: Այս տաճարը 17-րդ դարի կեսերին Գողթանի և Երնջակի մի շարք հուշարձանների թվում վերանորոգվել է նաև Մովսես և Փիլիպոս կաթողիկոսների կողմից¹⁴:

մից¹⁴: Ս. Աստվածածինը վերանորոգվել է նաև 17-րդ դարի վերջերին՝ 1683 թ., որի վերաբերյալ պահպանվել են վիմագիր արձանագրություններ:



Նկ. 1ա. Յղնայի ս. Աստվածածին եկեղեցու հյուսիս-արևելյան ճակատը

Ս. Աստվածածին տաճարը ամբողջովին կառուցված է սրբատաշ բազալտից և կարմիր քարերից, արևելք-արևմուտք առանցքով, քառամույթ գմբեթակիր բազիլիկայի հորինվածքով: Եկեղեցու հատակագիծը (նկ. 2) բաղկացած է արևելյան մասում գտնվող ավագ և յոթանիստ արքիդից, զույգ երկհարկանի ավանդատներից և դահլիճից, որն իր արևմտյան և հարավային ճակատներում ունի գեղեցիկ քանդակազարդերով երիզված մուրքեր: Ընդարձակ դահլիճի (21,3×18,57 մ) չորս խաչաձև կտրվածքով մույթերի վրա բարձրանում է ամբողջովին քարաշեն ու մեծածավալ, ութ լուսամուտներով գմբեթը:

Տաճարի ավագ և ընդարձակ արքիդը, որն ունի 7 որմնախորշեր, դահլիճի հատակից բավականին բարձր է և ունի չորս

¹¹ Երևանի Մատենադարան, Մագիստրոսի ցուցակ, Ավետարանների հիշատակարաններ, էջ 629, 649:

¹² Մատենադարան, № 4175, էջ 376ա, 375բ:


¹³ Մատենադարան, № 1184, էջ 198բ, 199ա:

¹⁴ «Պատմութիւն Առաքել վարդապետի Դարի-ժեցոյ», Վաղարշապատ, 1896, էջ 353:



Նկ. 1բ. Ցղնայի ս. Աստվածածին եկեղեցու ընդհանուր տեսքը

աստիճաններ: Երկկողմյա ուղղանկյունի հատակագծեր ունեցող ավանդատների որմերում թողնված հատուկ մուտքերի միջոցով քարե աստիճաններով բարձրանում են երկրորդ հարկի ավանդատների, արսի-



Նկ. 2. Ցղնայի ս. Աստվածածին եկեղեցու հատակագիծը (չափագրությունը և զմագիրը՝ Ա. Ավագյանի)

դի և կառույցի այլ մասերում թողնված հատուկ թունելանման թաքստոցներ, որոնք ժամանակին ծառայել են որպես դարաններ ու պահեստներ: Հյուսիսային ավանդատից մի առանձին մուտք էլ բարձրանում է դեպի տաճարի տանիք: Ավագ արսիդի լուսավորվածությունը իրականացված է նրա արևելյան որմում իրար կողքի թողնված երկու խաչաձև լուսամուտներով, իսկ ավանդատներին՝ մեկական ուղղանկյունի լուսամուտներով:

Բարձր ու լուսավոր ինտերյեր ունեցող այս եկեղեցու ներքին տարածությունը սխաղված է և ժամանակին այն զարդարվել է որմնանկարներով, որոնք այժմ չկան: Դժբախտաբար ս. Աստվածածին եկեղեցու որմնանկարման մասին տեղեկություններ չեն պահպանվել: Միայն հ. Ղ. Ալիշանի հաղորդած տեղեկություններով 1691 թ. փետրվարի 3-ին, Կարին գնալու ճանապարհին հայր Վիլյոդ Հիսուսյանը «...ազաի Ցղնա, որ գեօղ մեծ կոչէ զայն (Tsegna) և թորբարէն Ճալանա (Dchalana), 300 տամբք Հայոց, և գեղեցիկ եկեղեցեաւ, յորում է տես զպատկերս ս. Լուսաորչին և ս. Սեդրեստոսի. իսկ տէր գեղջն էր իշխան ոմն Վրացի Տաւոթ Միրզա անուն»¹⁵: Եկեղեցու մեջ, արևելյան մույթերի միջև, 17-րդ դարում ամփոփված է 5 անյուն, որոնց արձանագիր տապանաքարերը մինչև այժմ

¹⁵ Հ. Ղ. Ալիշան, Գշվ. աշխ., էջ 342:

էլ մնում են, և արձանագրությունները հրատարակել է Երվանդ Լալայանը¹⁶:

Յղնայի ա. Աստվածածին եկեղեցին առաջին հերթին աչքի է ընկնում իր ծավալա-տարածական հորինվածքի մեծ չափերով, որը Նախիջևանի գմբեթավոր բազիլիկների մեջ առաջին մեծակառույց հուշարձանն է: Նրա միջին ճակի կողքի երկու ճակերի կամարների թռիչքները որմնամույթերից մինչև մույթերը կազմում է 3,77 մ: Մույթամիջի կամարների թռիչքը ընդերկայնական մասում հավասար է 6,8 մ, իսկ ընդլայնական մասում՝ 6,9 մ: Ընդերկայնական մասում արքիոքի որմնամույթերից մինչև մույթերը ընկած տարածությունը կազմում է 5,82 մ, իսկ արևմտյան մույթերից մինչև եկեղեցու արևմտյան որմնամույթերը՝ 6,86 մ: Այստեղ անհրաժեշտ է նշել այն հանգամանքը, որ ա. Աստվածածին եկեղեցին ի սկզբանե մեծակառույց և գեղեցկատես է եղել, որը ձեռագրական աղբյուրներում ևս անվանվել է մեծ տաճար: Նրա մեծակառույց լինելու մասին 16-րդ դարի կեսերի ձեռագրերից մեկում արձանագրվել է նրա չափերը, որը հասարակապատկանում է այժմյան տաճարի չափերին. «ԲԻ (1553) թվին, մարտի ամսոյ ԻԸ ըն Յղնու եկեղեցին չափեցայ, դուրս(ի) երկարությունն ԼԲ կազ էր, և լայնությունն ԻԲ կազ էր, միջի երկարություն ԻԸ կազ, և լայնությունն ԺԹ կազ էր»¹⁷:

Ա. Աստվածածին եկեղեցին արտահայտիչ և գեղեցկատես է նաև իր արտաքին պատկերով: Տաճարի միջին ճակի և նրան ուղղահայաց կիսաշրջանաձև թաղերով ծածկված երկթեք կտուրներով տրանսպետը եկեղեցու արտաքին ուրվագծում ստեղծել են խաչաձև ծավալ, որի մեջտեղում բարձրանում է մեծածավալ գմբեթը: Հուշարձանին մի գեղեցիկ տեսք է տալիս նաև նրա ընդհանուր ծավալի համարյա մեջտեղով տարված օղակաձև քանդակագոտին, որին միացված են նաև բոլոր պատուհանների և մուտքերի շուրջը երիզող քանդակազարդերը: Առանձին հմայք են տալիս նաև արևելյան, հարավային և արևմտյան ճակատներում տեղադրված վիմագիր խաչքարերը: Ժամանակին եկեղեցու «կտուրի չորս անկյուններից քաշ են արուած մի մի քարէ օղակներից շինուած շղթաներ, որ օրօրում են քամու ազդեցութեամբ»¹⁸:

Ա. Աստվածածին եկեղեցու արտաքին արտահայտչականությանը հանդիսավորություն են հաղորդում նրա քանդակազարդերով և պատկերաքանդակներով զարդարված մուտքերը: Տաճարի գլխավոր՝ արևմտյան, մուտքը, որը երիզված է եռաշարք քանդակազարդով, կամարից ներքև՝ քառանկյունը շրջանակի մեջ ազդեցված է մանուկ Հիսուսը գրկին նստած Աստվածամոր թագադրման բարձրաքանդակը (նկ.



Նկ. 3. Ա. Աստվածածին եկեղեցու արևմտյան մուտքի պատկերաքանդակը

3): Արտահայտիչ և երանությանը լցված դեմքով բազմած Աստվածամոր գլխի ուղղությամբ քանդակված երկու հրեշտակները թագը դնելով Աստվածամոր գլխին, անմեղ հայացքները ասես հառել են դեպի երկինք: Հրեշտակներից քիչ վար, Աստվածամոր աջ և ձախ կողմերին, քանդակված է այդ բարձրաքանդակի քանդակման տարեթիվը՝

ԹՎ(Ի)Ն ՌԾԼԲ (1683)


Յղնայի այս պատկերաքանդակն իր մի շարք մանկություններով հիշեցնում է 17-րդ դարի 70-ական թվականներին վերակառուցված Ագուլիսի ա. Քրիստափոր եկեղեցու արևմտյան մուտքի բարավորի Զ. Ագուլեցու կողմից քանդակել տված Աստ-

¹⁶ Ե. Լալայան, Գողթն, արտատպված «Ազգագրական հանդեսից», Թիֆ., 1904, էջ 82—83:

¹⁷ «Մայր ցուցակ ձեռագրաց սրբոց Յակոբեանց», հատ. 8-րդ, կազմեց՝ Նորայր եպս. Պողարեան, Երուսաղեմ, 1977, էջ 122:

¹⁸ Ե. Լալայան, Գողթն, էջ 82:

վածածնի պատկերաքանդակը: Կարելի է ենթադրել, որ դրանք միևնույն քանդակագործի աշխատանքներն են հանդիսանում: Ս. Աստվածածինն եկեղեցու արևմտյան մուտքի պատկերաքանդակից 50—60 սմ ներքև էր ենք երկար տողերով քանդակված է Յղնայի իշխանների անթվակիր արձանագրությունը, որոնք, իրենց մուլքն ու ու-




Նկ. 4. Ս. Աստվածածին եկեղեցու հարավային մուտքը և պատկերաքանդակը

կին ներդնելով տաճարի նորոգման համար, ձգտել են ս. Աստվածածինը էլ տվելի պաշտառացնել ու գեղեցկացնել: Այս արձանագրությունը, աննշան տարրերիցով հրատարակել են Մ. Փափազյանը և Ե. Լալաջանը¹⁹: Արևմտյան մուտքի աջ և ձախ կողմի երկու որմնամույթերի և եկեղեցու որմի միջև գտնվող կոնսոլիդատիվ կապը վկայում է, որ այս մուտքի առջև ժամանակին եղել է երկու մույթերի հորինվածքով կառուցված զանգակատուն: Մերջինիս կառուցման և ավերման մասին ոչինչ հայտնի չէ:

¹⁹ Մ. Փափազյան, Գողթան գավառ (լուս. կարգավան արքով), Վաղարշապատ, 1890, № 304: Ե. Լալաջան, Գողթն, էջ 82:

Գեղեցկատես է մահ ս. Աստվածածին տաճարի հարավային մուտքը, որը բացվում է եռահարկ զանգակատան մեջ: Այս մուտքի բարձր կամարը ևս զարդարված է եռաշարք գեղեցիկ քանդակազարդերով: Մուտքի կամարի տակ, քառանկյունի շր-




Նկ. 5. Ս. Աստվածածին եկեղեցու զանգակատան 2-րդ և 3-րդ հարկերը

ջանակի մեջ, քանդակված է Պողոս և Պետրոս առաքյալների ծնրադիր պատկերաքանդակները (նկ. 4), որոնք իրենց գլուխների հավասարության վեր են բարձրացել շղթայաձև և կանոնավոր շրջանագծի մեջ քանդակված քառաթև խաչապատկերը: Պողոս առաքյալն իր ձախ ձեռքով բռնած ունի մահ կշեռք:

Եկեղեցու հարավային մուտքի առջև վեր է բարձրանում նրա զանգակատունը: Վերջինս, որը կառուցված է եկեղեցու կարմրեանգ սրբատաշ քարերից, ունի եռահարկ կազմություն և իր գմբեթի բարձրության եկեղեցու ծածկից 3—4 մ չափով բարձր է: Ս. Աստվածածին եկեղեցու այս զանգակատան առաջին հարկը հատակագծում կազմված է երկու հաստամեկույս մույթերից, որոնց թաղակիր կամարները

նստում են եկեղեցու հարավային որմին կցված որմնասյուների վրա: Ջանգակատան երկրորդ և երրորդ հարկերը բարձրանալով առաջին հարկի ծածկի վրա՝ եկեղեցու հարավային որմի կոնստրուկտիվ կապից լրիվ անջատվել են և իրենց կազմությամբ շրջանաձև են, կառուցված են ութսկան վեցանիստ կամարակապ գեղեցիկ սյուներիով, որի երրորդ հարկի վրա բազմել է քարաշեն կաթոլիկեն (նկ. 5):

են նույնիսկ գամերի և գեղարդի խոցվածքի հետքերը (նկ. 6): Այս քանդակի որմնախորշից վերև, երկրորդ շարքի շարվածքի արևելյան կողմում տեղադրված մի քարի վրա, քանդակված է շրջանաձև մեջ առնված ճաճանչավոր արեգակի պատկերը: Իսկ որմնախորշից վար, մույթի անկյունային մասում, քանդակված է մի թևատարած աղավնու պատկեր: Համանման արեգակի և աղավնու քանդակներ են արված



Նկ. 6. Ս. Աստվածածին եկեղեցու զանգակատան «Քրիստոսի խաչելությունը» բարձրաքանդակը



Նկ. 7. Ս. Աստվածածին եկեղեցու զանգակատան Աստվածամոր բարձրաքանդակը

Յղնայի ս. Աստվածածնի զանգակատունը գրավիչ է նաև իր արտաքին տեսքով: Այն եկեղեցու նույն քարից կառուցված լինելով ներդաշնակվում է նրա հետ: Ջանգակատան առաջին հարկի երկու մույթերի հարավային ճակատներում, կամարների ուղղությամբ, ուղղանկյունի և դեպի ներս գլանաձև որմնախորշերի մեջ բավականին մեծությամբ քանդակված են մեկական բարձրաքանդակներ: Ջանգակատան արևմրտյան մույթի որմնախորշում քանդակված է «Քրիստոսի խաչելությունը», որի սարմնի վրա ցայտուն կերպով ընդգծվում

նաև զանգակատան արևելյան մույթի վրա, որի հարավային ճակատի որմնախորշում քանդակված է թագակիր Աստվածամոր կանգուն պատկերաքանդակը: Վերջինիս դեմքը և հագուստը պատկերավոր ու արտահայտիչ է և կանգնած է ձեռքերը կրծքին խաչած: Աստվածամոր աջ կողմում, նրա գլխի ուղղությամբ, քանդակված է մի հրեշտակի փոքրիկ և կանգուն պատկերը, որն իր ձախ ձեռքը դրել է Աստվածամոր թագի վրա: Մ. Փափագյանի տեղեկություններով. «Սույն զանգակատան արևմտեան երկու սիւնների միջև վրայ նույնպես քան-

դակում էն Ադամ և Եւայի մերկ և փոքրադիր պատկերները. միս սեւան վրայ մի հրեշտակ ձեռին կշիռ բռնած»²⁰: Այս պատկերաբանդակները այժմ վնասված են:

Ս. Աստվածածին եկեղեցու հարավային զանգակատան կառուցման մասին պատմական աղբյուրներում տեղեկություններ չեն պահպանվել: Նրա կառուցվածքի և պատկերաբանդակների արվեստի վերաբերյալ կարելի է եզրակացնել, որ այն կառուցվել է 16-րդ դարի վերջերին կամ 17-րդ դարի կեսերին, որ 19-րդ դարի վերջերին կար 17-րդ դարի մի բանի մաշված սապանաքարեր²¹:

Ս. Աստվածածին տաճարի արևելքան ճակատում, առաջին հարկի սվանդառնե-

րի և սվագ արսիդի լուսամուտների վերևի հատվածներում, տեղադրված են 10 արձանագիր խաչքարեր: Ըստ տեղաբաշխվածության, արձանագրությունները տեղադրված են իրարից հավասար հեռավորությունների և բարձրությունների վրա, որոնցից 5-ը ագուցված է արսիդի խաչաձև լուսամուտների հյուսիսային կողմում, իսկ մյուս 5-ը՝ հարավային կողմում: Այդ խաչքարեր-արձանագրությունները, որոնցից մի բանիսի արձանագրությունները և առանձին մասերը այժմ քայքայված են, բառ իրենց բովանդակության վերաբերվում են եկեղեցու 1683 թ. վերանորոգման օժանդակելուն և հրատարակված չեն: Ընդ որում եկեղեցու 1683 թ. վերանորոգման աշխատանքներին աջակցել են մեկ կանայք:

²⁰ Բ. Փափուզյան, նշվ. աղբյուր:

²¹ Նույնը:

(Շարանակելի)